

**Broj:** UP/I-05-13-1-353/24  
**Mostar,** 13.09.2024. godine

Federalno ministarstvo energije, rudarstva i industrije, na osnovu člana 200. Zakona o upravnom postupku ("Službene novine Federacije BiH", br. 2/98, 48/99 i 61/22), člana 42. stav (4) Zakona o električnoj energiji Federacije Bosne i Hercegovine („Službene novine Federacije BiH“, broj 60/23) i člana 23. stav (4) Pravilnika o izdavanju energetske dozvole (Službene novine Federacije BiH“, broj 51/24) postupajući po zahtjevu privrednog društva H&L „001“ d.o.o. Mostar, sa sjedištem Braće Fejića bb, Mostar u predmetu izdavanja Energetske dozvole za izgradnju energetskog objekta „FNE HL 7“ od 18.07.2024. godine i dopune zahtjeva od 12.08.2024. godine, donosi:

## R J E Š E N J E

1. Izdaje se ENERGETSKA DOZVOLA privrednom društvu H&L „001“ d.o.o. Mostar, za izgradnju solarne fotonaponske elektrane „FNE HL 7“, instalisane snage 4,99 MW, odobrene snage priključenja 4,99 MW, planirane godišnje proizvodnje električne energije od 8,4447 GWh, a koja se planira graditi na području grada Mostara.
2. Energetska dozvola iz tačke 1. dispozitiva ovog rješenja izdaje se na period važenja od pet godina. Važenje energetske dozvole može se produžiti za period koji ne može biti duži od perioda važenja ove dozvole, nakon čega se više ne može produžavati.
3. Planirano vrijeme izgradnje elektrane iz tačke 1. dispozitiva ovog rješenja je 2024 godina.
4. Imalac dozvole dužan je da saraduje i postupa po zahtjevima Ministarstva za dostavljanje podataka, te da obavijesti Ministarstvo o svim nastalim promjenama u vezi sa ispunjenjem kriterija za izdavanje energetske dozvole.
5. Imalac dozvole dužan je nakon završetka izgradnje elektrane o tome obavijestiti Ministarstvo i dostaviti odobrenje za upotrebu.
6. Ovo rješenje stupa na snagu danom donošenja i objavljuje se na web stranici Ministarstva.

## O b r a z l o ž e n j e

Privredno društvo H&L „001“ d.o.o. Mostar se zahtjevom od 18.07.2024. godine i dopune zahtjeva od 12.08.2024. godine, podnesenim u propisanoj formi i obrascu, obratilo Federalnom ministarstvu energije, industrije i rudarstva (u daljnjem tekstu: Ministarstvo) za izdavanje energetske dozvole za izgradnju solarne fotonaponske elektrane „FNE HL 7“, instalisane snage 4,999 MW, odobrene snage priključenja 4,999 MW, planirane godišnje proizvodnje električne energije od 8,4447 GWh, a koja se planira graditi na području grada Mostara, u skladu sa članom 42. stav (4) Zakona o električnoj energiji Federacije Bosne i Hercegovine („Službene novine Federacije BiH“, broj 60/23 – u daljem tekstu Zakon) i člana 23. stav (4) Pravilnika o izdavanju energetske dozvole (Službene novine Federacije BiH“, broj 51/24 - u daljem tekstu Pravilnik).

Uz predmetni zahtjev dostavljena je sljedeća dokumentacija:

- Ugovor o koncesiji za obavljanje elektroprivredne djelatnosti proizvodnje, prijenosa i distribucije električne energije izgradnjom elektroenergetskih objekata fotonaponskih elektrana „HL 1-12“ na lokalitetu Prigređani, Grad Mostar, broj: 02a)-13-545/22-28 od 07.04.2023. godine potpisan između Hercegovačko-neretvanskog kantona i privrednog društva H&L „001“ d.o.o. Mostar,
- Rješenje o izdavanju Urbanističke saglasnosti, broj: UPI-07/2-19-16872/22 od 19.10.2022. godine, izdato od Odjela za urbanizam i gradnju/građenje, Grad Mostar,
- Rješenje o okolinskom dopuštenju, broj: UP-I-05-19-613/22 od 11.11.2022. godine, izdato od Ministarstva trgovine, turizma i zaštite okoliša HNK,
- Rješenje o izmjeni Rješenja, broj: UPI-07/2-19-11221/23 od 08.12.2023. godine, sa klauzulom pravosnažnosti od 31.12.2023. godine, izdato od Odjela za urbanizam i gradnju/građenje, Grad Mostar,
- Uslovi za priključak korisnika na prenosnu mrežu, br: 65/24, broj:03-17392-15/2022 od 26.07.2023. godine izdati od Elektroprijenos a.d. Banja Luka,
- Izjavu o prihvatanju uslova za priključak korisnika a prenosnu mrežu 110 kV, 220 kV i 400 kV, od 02.08.2024. godine.

Uvidom u podneseni zahtjev ovo Ministarstvo je utvrdilo da je zahtjev potpun u skladu sa članom 17. Pravilnika, te pristupilo ocjeni kriterija za izdavanje energetske dozvole propisanih članom 4. Pravilnika koji se odnose na:

- vrstu i korištenje primarnih izvora energije;
- sigurnost elektroenergetskog sistema, postrojenje i prateće opreme;
- mogućnost priključene na elektrenergetski sistem;
- lokaciju i upotrebu zemljišta;
- zaštitu okoliša i osiguranje trajne kontroje uticaja na okoliš;
- energijsku efikasnost;
- kvalifikovanost podnosioca zahtjeva;
- doprinos ispunjenju ciljeva u korištenju obnovljivih izvora energije;
- doprinos smanjenju emisija stakleničih i štetnih gasova i čestica.

Na osnovu priložene dokumentacije dostavljene uz zahtjev, Ministarstvo je utvrdilo da su ispunjeni kriteriji za izdavanje energetske dozvole, te u skladu sa čl. 19. i 20. Pravilnika, Ministarstvo je utvrdilo nacrt energetske dozvole, broj: 05-13-1-24/24 od 16.08.2024. godine, obavijestilo podnosioca zahtjeva pisanim putem o utvrđenom nacrtu energetske dozvole za izgradnju solarne fotonaponske elektrane „FNE HL 7“, instalisane snage 4,999 MW, odobrene snage priključenja 4,999 MW, planirane godišnje proizvodnje električne energije od 8,4447 GWh, a koja se planira graditi na području grada Mostara, te objavilo Obavještenje za javnost na svojoj internet stranici.

U roku za dostavljanje komentara, naznačenom u Obavještenju za javnost, Ministarstvo nije zaprimilo komentare na utvrđeni nacrt energetske dozvole, kao ni zahtjev za sticanje statusa umješaka od strane zainteresovanih lica. U skladu sa članom 22. Pravilnika, Ministarstvo je odlučilo da nije potrebno održati javnu raspravu u postupku izdavanja energetske dozvole za izgradnju solarne fotonaponske elektrane „FNE HL 7“, instalisane snage 4,999 MW, odobrene snage priključenja 4,999 MW, planirane godišnje proizvodnje električne energije od 8,4447 GWh, a koja se planira graditi na području grada Mostara.

Na osnovu navedenog, a u skladu sa članom 23. stav (4) Pravilnika, odlučeno je kao u dispozitivu ovog rješenja.

Podnosilac zahtjeva uplatio je federalnu upravnu taksu propisanu Zakonom o federalnim upravnim taksama i Tarifni federalnih upravnih taksi („Službene novine Federacije BiH“, br. 6/98, 8/00, 45/10, 43/13 i 98/17), na podnijeti zahtjev po tarifnom broju 24.a u iznosu od 10,00 KM.

**Pouka o pravnom lijeku**

Ovo rješenje je konačno u upravnom postupku i protiv njega nije dozvoljena žalba, ali nezadovoljna stranka može pokrenuti upravni spor podnošenjem tužbe. Tužba se podnosi Kantonalnom sudu u Mostaru u roku od 30 dana od dana prijema ovog rješenja. Uz tužbu se prilaže i ovo rješenje u prepisu ili kopiji.

**MINISTAR**

**Vedran Lakić**

